

Саудын Араб: Мэхт мэхэндээ болоход тун дөхлөө

Бүс нутгийн төдийгүй дэлхийн дайн дэгдэх аюулыг бодитой болгож болох юм. >4

Драмаар давалгаалах "Оскар 2017"

"Оскар"-ыг 6000 гаруй кино урлагийн мэргэжилтнүүд шүүдэг. > 6

Цахилгаан хөдөлгүүрт машины ирээдүй

АНУ-д цахилгаан автомашины борлуулалт 2016 онд 0.37 хувиар буурчээ. > 7



NBC NATIONAL NEWS CORP. БҮГДЭДХҮҮН КОМПАНИ

ZASAG.CO



МОНГОЛ УЛСЫН ЗГМ ШИЛДЭГ СОНИН

ЗАСГИЙН ГАЗРЫН МЭДЭЭ

~ THE OFFICIAL GAZETTE ~

2017.01.20, БААСАН ~ №014 (560)

ҮНЭ: 600Т

ОНЦЛОХ

УЛС ТӨР

Хүүхэд хамгааллын талаар авч хэрэгжүүлж буй ажлаа Ерөнхий сайд өнөөдөр танилцуулна.

Ерөнхийлөгчийн сонгуулийн тухай хуулийн төслийг санаачлагчдад нь буцаав.

Засгийн газраас ажлын байр нэмэгдүүлэхэд 61.5 тэрбум төгрөг зарцуулахаар болжээ.

Инновацийн тухай хуулийн төслийг судлах Ажлын хэсэг технологийн сантай танилцлаа.

АН-ын даргын сунгааны санал асуулгын дүнг Д.Эрдэнэбат тэргүүлжээ.

ЭДИЙН ЗАСАГ

Монголын хөрөнгийн биржийн индекс 844.90 нэгж болж, 0.28 хувиар өссөн байна.

Монголбанк пүрэв гарагт валютын дуудлага худалдаанд оролцсонгүй.

НӨАТ суутган төлөгчөөр 63.1 мянган компани, аж ахуйн нэгж бүртгүүлжээ.

Нүүрснээс шингэн түлш үйлдвэрлэх үйлдвэрийн төсөл 3.6 жилийн хугацаанд хэрэгжинэ.

"Алт-2" үндэсний хөтөлбөрийн үр дүнд үйлдвэрлэл хоёр дахин нэмэгдэх боломжтой.

НИЙГЭМ

Ирэх онд гадаад паспортыг цахим хэлбэрт шилжүүлэх гэрээнд гарын үсэг зурлаа.

Залуу дипломатчид ЭХЭМҮТ болон ГССҮТ-д ор хандивлажээ.

Арван хүүхэд тутмын найм нь халуун тогоонд түлэгдэж байна гэж ЭМЯ-наас мэдээллээ.

Цагдаад ажиллаж буй 1100 алба хаагчийг дотоодын цэрэг рүү татахаар болов.

Архангай аймгийн есөн сумын Засаг даргыг батламжаагүй байна.

ДЭЛХИЙ

БНХАУ-аас АНУ, ОХУ-тай харилцах харилцааг Ши Жиньпин тайлбарлав.

Жулиан Ассанж өөрийгөө АНУ-ын эрх баригчдад шилжүүлэхээс татгалзлаа.

ОПЕК 2017 онд газрын тосны эрэлт өснө хэмээн үзэж байна.

Жек Николсон "Гавьяны амралт"-аа эдлэхээр болсноо мэдэгдэв.

Хятадад анхны робот-сэтгүүлч материалаа сонинд нийтлүүлэв.

ЦАГ АГААР

УЛААНБААТАР

2017.01.20



-18° -27°

БАГА ЗЭРГИЙН ЦАСТАЙ

ЦАГ АГААРЫН ДЭГЭРЖИЙГ МЭДЭЭЛЭГЧИЙН 8 ДУГААР НУУРГУУС ҮНШИНЭ ҮҮ.



Бүх эрх хуулиар хамгаалагдана ©

Харилцан ашигтай харилцаа



Дэлхийн тэргүүлэх компаниуд гарааны компаниудад гар сунгаад эхэллээ. Энэ нь бизнесийн үсрэнгүй өсөлт, урт хугацааны амжилтын үндэс болохоор байна. ►11

С.Батсайхан/ЗГМ

ТДВ
ХУДАЛДАА ХӨГЖЛИЙН БАНК

4 ДЭХ БОНДОО

ХУГАЦААНД НЬ АМЖИЛТТАЙ ТӨЛЛӨӨ

Худалдаа, хөгжлийн банк 2007 онд анх удаа 75 сая ам.долларын бондыг олон улсын санхүүгийн зах зээлд амжилттай арилжаалж, нийт 1.14 тэрбум ам.долларын 5-н удаагийн бондыг гаргасан билээ.

2014 онд гаргасан 700 сая юанийн буюу 115 сая ам.долларын 3-н жилийн хугацаатай бондыг өөрийн дотоодын эх үүсвэрээр хугацаанд нь амжилттай төлж, санхүүгийн чадавхи, найдвартай байдлаа бататгаж байна.

ДЭЛХИЙГ ТАНТАЙ ХОЛБОХ САНХҮҮГИЙН ГҮҮР

Хөгжил дэвшилд хамтдаа

Утас: 1900-1977 | И-мэйл: info@tdbv.mn | Вэб хаяг: www.tdbv.mn
Фэйсбүүк: www.tdbv.mn/facebook | Твиттер: www.tdbv.mn/twitter

ЗГМ: ДАВОСООС МЭДЭЭЛЖ БАЙНА

Ц.Элбэгдорж: Монголчууд ДЭЗЧ-д байр сууриа нэгэнт эзэлсэн

Б.Цэцэгсүрэн
ЗГМ

Швейцарийн Давос хотноо зохион байгуулагддаг Дэлхийн эдийн засгийн чуулга уулзалтад найм дахь жилдээ урилгаар оролцож буй Монгол Улсын Ерөнхийлөгч Цахиагийн Элбэгдоржтой Монголын зарим хэвлэл мэдээллийн хэрэгслийн сэтгүүлчид уг чуулганы болон Монгол Улсын оролцооны онцлогийн талаар ярилцлаа. Монголыг сурталчлах дэлхийн хамгийн чухал цэг бол Дэлхийн эдийн засгийн чуулга уулзалт хэмээн тэрбээр яриандаа тэмдэглэж байв.

-Монгол Улс Давосын Дэлхийн эдийн засгийн чуулга уулзалтад 1991 оноос хойш

оролцож ирлээ. Үүнээс сүүлийн найман жилд Ерөнхийлөгчийн түвшинд оролцож байна. Энэхүү чуулга уулзалтад хүссэн хүн болгон оролцоод байдаггүй. Харин Монгол Улс сүүлийн жилүүдэд идэвхтэй оролцож байгаа. Монголын оролцооны талаар та байр сууриа илэрхийлэхгүй юу?

-Монголд боломж бага олддог улс гэж хэлж болно. Сайн боломж олдвол ашиглах хэрэгтэй. Давосын чуулга уулзалтад хүссэн болгон оролцоод байдаггүй, урилгаар оролцдог. Зарим улсын Ерөнхийлөгч энд ирээд, "хашааных" нь гаднаас буцсан тохиолдол олон бий. Нэгэнт урилга ирж байгаа тохиолдолд заавал оролцох шаардлагатай гэж би хувьдаа боддог.

►2-3

ЗГМ: СЭДЭВ

Зохиомол хэрэгцээт Д витамин

Г.Сайнзаяа
@sainzayaZGM

Монголын бяцхан үрсэд тавьдаг ерөнхий гурван онош бий. Рахит, тархины даралт, диатез. Та хүүхэдтэй бол энэ үгс дотно санагдаж байна уу. Тэгвэл надад ч бас.

Бид эдгээр оношоос онцгойлон рахит болон Д аминдэмийн талаарх асуудлыг хөндлөө. Зах зээлийн нийгэм гэдэг "пуужинд" интернэт, олон нийтийн сүлжээ гэдэг "шатахуун" хийж хөөргөсөн улс нь бид. Үр дүнд нь элдэв эм, аминдэм, нүүрний будаг тэргүү-

►5

MSE ALL

844.9
0.28%

АЛТ

5769
0.26%

ЗЭС

1203.60
0.03%

10-ЧИНГИС БОНД

85.789
0.01%

5-ЧИНГИС БОНД

96.570
0.03%

АМ.ДОЛЛАР

2491.81

ЮАНЬ

362.66

РУБЛЬ

41.95

© The Financial Times Limited (2015). All Rights Reserved. Not to be redistributed, copied or modified in any way. ZGM is solely responsible for providing these translated articles and the Financial Times Limited does not accept any liability for the accuracy or quality of the translation.

Энэтхэгийн төв банкныг тойрсон шүүмжлэл

Мөнгөн тэмдэгтийн гүйлгээнээс хасах шийдвэрийн дараа төв банкны бие даасан байдал хаачив гэх хүн олширлоо. > 10

АНУ-ын компаниудын болгоомжлол

Хятадад ажилладаг АНУ-ын компаниуд Трампад хандаж, худалдааны бодлогоо зөөлрүүлэхийг уриалах бодолтой. > 10

ISIS-ийн дайчид Мосулаас зугтаж байна

Иракийн цэргийн хүчин Мосул хотоос ISIS-ийн дайчдыг шахан гаргаж байгааг албаныхан мэдээлэв. > 10

Сүйрлийн уршигт тахалтай тэмцэх эвсэл

Клайв Куксон, Тим Брэдшоу

Сүйрлийн уршигт тахлын вирусээс хамгаалах шинэ вакцин бүтээх ажилд олон тэрбум ам.доллар зарцуулж чадах дэлхийн эвсэл албан ёсоор үүслээ. Эдүгээ шинэ вакцин бүтээхэд шаардагдаж буй 10 жилийн хугацааг 12 сар хүрэхгүй болтол богиносгож чадна хэмээн уг эвслийг өөрийн сангаар дамжуулан ивээн тэтгэгч гол хүмүүсийн нэг Билл Гейтс найдаж байна. “Жил хүрэхгүй хугацаанд бүтээж дөнгөхгүй аваас бидэнд өөрсдөд маань гутрам хэрэг болно” хэмээн ноён Гейтс Давост хуралдаж буй Дэлхийн эдийн засгийн чуулганы үеэр Financial Times-д тайлбарлав.

Тахлаас сэргийлэх инновацийн эвслийг (CEPI - The Coalition for Epidemic Preparedness Innovations) Давосын чуулганы үеэр 460 сая ам.долларын эхний хөрөнгө оруулалттайгаар байгуулжээ. Уг хөрөнгийг ХБНГУ, Япон, Норвегийн Засгийн газар, дэлхийн эрүүлийг хамгаалах гол хоёр хандивын байгууллага - Wellcome Trust, Bill and Melinda Gates Foundation гаргах юм.

Цаашид АНУ, Их Британи, Энэтхэг зэрэг хандивлагч нэмэгдсэнээр ирэх таван жилд нийт хөрөнгө нэг тэрбум

ам.долларт хүрнэ хэмээн үүсгэн байгуулагчид нь тооцоолжээ. Вакцин үйлдвэрлэгчид ч эвсэлд нэгдэх хүсэлтэйгээ илэрхийлээд байна.

Шинэ эвсэл Ойрх дорнодын амьсгалын замын хам шинж буюу MERS, Ласса, Нипах, Эбола, Марбург, Зика гэсэн зургаан ноцтой тахлын вирусун судалгааг эн тэргүүнд сонгожээ. Мөн дэлхий нийтийн эрүүл мэндийг хямрааж болзошгүй аливаа шинэ өвчин үүсгэгчийн эсрэг вакциныг шуурхай бүтээх шинжлэх ухаан, технологийн үндэслэл боловсруулах нь ч уг хөтөлбөрийн гол зорилго.

“Хүн төрөлхтний амьдрал, эрүүл мэнд, хөгжил дэвшлийг тахлаас хамгаалж чадахуйц вакцин бүтээх ажилд бид тун ч бага зүйл хийжээ” хэмээн Wellcome Trust-ийн захирал Жереми Фаррар мэдэгдлээ. “CEPI нь сүүлийн үед дараалан болж өнгөрсөн олон эмгэнэлт явдлаас сургамж авч, тахлын эсрэг шинэ вакцинаар хамгаалалт үүсгэх боломжийг нээж өглөө” хэмээн тэргээр нэмж өгүүлэв.

Өрнөд Африкт 2014-2015 оны хооронд дэгдэж 11000 хүний амийг авч одсон Эбола тахал нь CEPI-г байгуулах гол шалтгаан болсон юм. Уг тахал тархахаас өмнөхөн зарим их сургууль,



компанийн лабораториуд тус тусдаа туршилтын вакцин бүтээж чадсан. Гэвч вакциныг хүмүүст хэрэглэж болохуйц аюулгүйн тест эдүгээ хүртэл бүрэн хийж амжаагүй байна.

Тахлын тархац ноцтойг ухамсарласан ДЭМБ зэрэг олон улсын эрүүлийг хамгаалах байгууллагууд найдвартай гэж үзсэн вакциныг клиник туршилтад оруулах шаардлага тавьж эхлэв. Вакцинуудыг тах-

лын голомтод турших явцад халдварын тархац аяндаа буурсан ч Гвинейд хэрэглэсэн вакцин бусдаасаа илүү үр дүнтэй нь батлагдсан. Гэвч вакциныг хэрэглээнд нэвтрүүлэхэд хэдэн сарын хугацаа алдсанаас болж олон мянган хүний амь хохирчээ.

“Эболагаас сургамж авч, цаашид хүмүүсийн эрүүл мэндэд тулгарах аюулаас сэргийлэх арга замыг хамтран боловсруулах шаардлагатайг ухамсарласан

вакцин үйлдвэрлэгч тэргүүлэх компаниуд, олон улсын эрүүл мэндийн байгууллагууд CEPI-гийн суурийг бүр өнгөрсөн оны Давосын чуулганаар тавьсан” хэмээн GlaxoSmith-Kline-ийн (GSK) ерөнхий захирал Сэр Эндрю Уитти тайлбарлав.

“Тахал байнга дэгдээд байдаггүй тул зах зээл асуудлыг лав шийдвэрлэхгүй. Шийдвэрлэхээр боллоо ч хүмүүс их мөнгө

шаардах аргагүй” хэмээн ноён Гейтс тайлбарлаж байлаа. Гэхдээ GSK зэрэг вакцин үйлдвэрлэгчдэд CEPI-г дэмжих үйл ажиллагааны болоод санхүүгийн учир шалтгаан бий. “Онцгой нөхцөл үүссэнээс үүдэн вакцин бүтээх салбарт түгшүүрийн харанга дэлдэх нь биднийг гарах гарцгүй байдалд түлхдэг. Өнөөдөр дэлхийн вакцин үйлдвэрлэлийн тогтолцоонд сул зай үлдээгүйг хүмүүс ойлгодоггүй” хэмээн Сэр Эндрю өгүүлсэн юм.

GSK ирээдүйд дэгдэж болзошгүй тахлыг эмчлэх вакциныг орлогын бус үндсэн дээр бүтээхийн тулд Мэрилэнд муж улсын Роквиллд байрладаг судалгааны төвөө CEPI-д ашиглуулах санал тавиад байна. CEPI нь Норвегийн нийслэл Осло хотод байрлана. Тус байгууллага тэмээнээс хүнд халдварладаг, үхлийн аюултай амьсгалын замын өвчин - MERS, мэрэгчээс гаралтай, цус алдуулдаг чичрэг - Ласса, сарьсан багваахайнаас хүнд халддаг, амьсгалын зам, уураг тархийг гэмтээгч - Нипах гэсэн гурван тахлын эсрэг тус бүр хоёр вакцин бүтээх юм. Мөн Зика, Марбург, Эболагийн хэд хэдэн төрлийг анагаах вакцин боловсруулна. FT

Хятадын олборлолт коксжих нүүрсний үнийг унагалаа



Нил Хьюм

Бээжингийн шахалтад хариу болгон Хятадын уурхайнууд олборлолтоо ихэсгэсэн нь 2016 оны шилдэг үзүүлэлттэй тавар коксжих нүүрсний үнийг унагалаа. Өрөндөө баригдсан нүүрсний үйлдвэрлэлийн орлогыг сайжруулахын тулд Хятад улс олборлолтыг нь багасгасны дүнд 2016 онд коксжих нүүрсний үнэ эрс өссөн юм.

Өнгөрсөн оны арванхоёрдугаар сард коксжих нүүрсний үнэ дөрөв дахин өсөж тонн нь 300 ам.долларт хүрчээ. Ийм огцом өсөлт хамгийн сүүлд 2011 онд тохиолдсон түүхтэй. Олборлолтыг багасгасан нь дулааны цахилгаан станцад эрчим хүч гаргахад хэрэглэдэг хүрэн болон чулуун нүүрсний үнийг ч өсгөж, Anglo American, Teck Resources, Glencore зэрэг үйлдвэрлэгчдийн орлогыг ихэсгэв.

Гэвч коксжих нүүрсний үнийн огцом өсөлт ган төмөрлөгч үйлдвэрлэгч компаниудыг түгшүүлж эхэллээ. Бээжингийн бодлого тодорхойлогчид ажлын өдөрт тогтоосон чанд зохицуулалтаа зөөлрүүлж, олон зуун уурхайд өвлийн халаалт дуусах гурвандугаар сарыг дуустал олборлолтоо өсгөх зөвшөөрөл олголоо.

“Уурхайн ажлын өдрийг жилд 276-гаар тогтоосон хязгаарлалтаа Хятадын эрх баригчид 330 болгосон нь олборлолт өсөхөд хүргэв. Хятадын

зах зээлд дотоодын коксжих нүүрсний нийлүүлэлт аажим боловч тогтвортой нэмэгдэж байна” хэмээн судалгааны Steel Index компани саяхан нийтэлсэн тайландаа тайлбарлажээ.

БНХАУ-ын Улсын хөгжил, шинэчлэлийн комисс (тайлбар: хуучнаар Улсын төлөвлөгөөний комисс) олборлолтыг өсгөх бодлого хэрэгжүүлж байгаа нь дотоодын уурхайнуудын үйлдвэрлэл сэргэх, Хятад төдийгүй олон улсын хэмжээнд коксжих нүүрсний үнэ буурахад хүргэнэ хэмээн шинжээчид таамаглаж байна. “Дотоодын нийлүүлэлт ихэссээр. Энэ хандлага, ялангуяа дулааны цахилгаан станцын хэрэглээний нүүрсний хувьд илт байгаа” хэмээн CRU консалтингийн группын Стивен Дак өгүүллээ.

Эрэлтийн талаас нь авч үзвэл Хятадын ган төмөрлөг боловсруулах үйлдвэрүүдийн ихэнх нь энэ өвөл дуустал хэрэглэх нөөцөө хэдийнэ базаачихсан. Мягмар гарагт Австралийн дээд зэрэглэлийн коксжих нүүрсний Хятадад хүргэх үнэ тонн нь 175.9 ам.доллар байлаа. Энэ нь он гарснаас хойш үнэ 22 хувиар унасан үзүүлэлт болохыг Steel Index-ийн тайланд тайлбарлажээ. Өнгөрсөн онд тонн нь 110 ам.доллар байсан эрчим хүчний зориулалттай нүүрснийг эдүгээ 82 ам.доллараар арилжиж байна. Үнэ унасан нь зөвхөн дотоодын зах зээлээс хамаарсан хэрэг бус.

Өнгөрсөн арванхоёрдугаар сард Drummond Coal, Warrior Met Coal, Blackhawk зэрэг АНУ-ын олборлогчид Хятад дахь үнийн өсөлтөөс ашиг гаргах зорилгоор экспортоо өсгөснийг ноён Дак дурдлаа. АНУ-д 30 сая тонн орчим коксжих нүүрсний нөөц хуримтлагдсан байж болзошгүй талаар Barclays-аас саяхан нийтэлсэн тайланд анхааруулжээ. Үүний ихэнх нь коксжих нүүрсний дундаж үнэ 2015 онд 105 ам.доллар боллоо унамагц олборлолтыг нь зогсоосон цагаас хойш хуримтлагдсан нөөц.

Үүний зэрэгцээ 2015 онд тонн нь 100 ам.доллар хүрэхүй хямдарсан Австрали, Канад, Мозамбикийн коксжих нүүрсний олборлолт сэргэсэн нь нийлүүлэлтийн дарамтыг ихэсгэв. Хар салхины улирал Австралийн коксжих нүүрсний үйлдвэрлэлд хал балгүй өнгөрлөө. Үер нийлүүлэлтэд нөлөөлөхөөс болгоомжилсон Glencore, Nippon Steel компани энэ оны эхний улиралд коксжих нүүрсний нэг тонныг 285 ам.доллараар тооцохоор бүр арванхоёрдугаар сард тохиролцсон.

Хятадын эрх баригчид нүүрсний үнийг олборлогчид ашигтайн зэрэгцээ эрчим хүчний компаниуд, ган төмөрлөгч үйлдвэрлэгчдэд дарамт учруулахгүйгээр тэнцвэр бариулна хэмээн шинжээчид таамаглаж байна. FT

